

MALAYSIA

Warta Kerajaan
SERI PADUKA BAGINDA
DITERBITKAN DENGAN KUASA

HIS MAJESTY'S GOVERNMENT GAZETTE
PUBLISHED BY AUTHORITY

Jil. 34
No. 21


11hb Oktober 1990

TAMBAHAN No. 40
AKTA

Naskah bahasa kebangsaan bagi undang-undang
semakan yang berikut adalah dengan ini diterbitkan
untuk makluman umum:

The national language text of the following revised
law is hereby published for general information:

No.	Tajuk ringkas
Akta 371 ...	Akta Pendaftaran Ahli Farmasi 1951



UNDANG-UNDANG MALAYSIA

Akta 371

**AKTA PENDAFTARAN
AHLI FARMASI 1951**

(Disemak—1989)

Teks ini HANYALAH TERJEMAHAN oleh Jabatan Peguam Negara, Kuala Lumpur, bagi *The Registration of Pharmacists Act 1951* sebagaimana disemak dalam tahun 1989. Melainkan dan sehingga ditetapkan sebagai sah di bawah seksyen 7 (1) Akta Bahasa Kebangsaan 1963/67 (Akta 32), ia bukannya perundangan.

Disemak sehingga ... 31hb Julai 1989

Tarikh versi semakan ini
disiarkan dalam *Warta* ... 3hb Ogos 1989

Tarikh yang ditetapkan untuk
mula berkuatkuasanya versi
semakan ini *menurut seksyen*
6 (1) (xxiii) Akta Penyema-
kan Undang-Undang 1968
(Akta 1) ... 10hb Ogos 1989

UNDANG-UNDANG MALAYSIA

Akta 371

AKTA PENDAFTARAN AHLI FARMASI 1951

(Disemak—1989)

SUSUNAN SEKSYEN

Seksyen

1. Tajuk ringkas dan pemakaian.
2. Tafsiran.
3. Penubuhan dan keanggotaan Lembaga Farmasi.
4. Yang Dipertua dan mesyuarat Lembaga.
5. Daftar ahli Farmasi.
6. Orang-orang yang layak untuk didaftarkan.
- 6A. Syarat-syarat terdahulu daripada pendaftaran.
7. Had ke atas penggunaan gelaran tertentu.
8. Permohonan untuk pendaftaran.
9. Kuasa untuk menolak pendaftaran dalam hal-hal tertentu.
10. Catatan mengenai kelayakan yang lebih tinggi.
11. Pengeluaran perakuan-perakuan pendaftaran.
12. Syarat-syarat tentang penjualan dadah oleh ahli farmasi berdaftar.
13. Pendaftaran pertubuhan-pertubuhan perbadanan.
14. Penerusan perniagaan ahli farmasi atau pendispensa yang telah mati oleh wakilnya.
15. Penyiaran daftar dan anggapan-anggapan.
16. Perakuan tahunan.
17. ~~Pengkenselan perakuan tahunan dan pengeluaran daripada daftar.~~
18. Pengubahan dalam, dan pemadaman nama daripada, daftar.
- 18A. Rayuan terhadap pengeluaran daripada daftar atau penolakan untuk mendaftar.
19. Rayuan terhadap pengeluaran daripada daftar atau penolakan untuk mendaftar.
20. Pendaftaran secara fraud.

[Susunan Seksyen]

4

AKTA 371

Seksyen

21. Perlantikan dan kuasa-kuasa Pemeriksa.
22. Kuasa untuk membuat peraturan.
23. (*Ditinggalkan*).

AA 1005

5

UNDANG-UNDANG MALAYSIA

Akta 371

AKTA PENDAFTARAN AHLI FARMASI 1951

(Disemak—1989)

Suatu Akta yang berhubungan dengan penubuhan Lembaga Farmasi dan pendaftaran ahli farmasi.

[1hb Februari 1952.]

1. (1) Akta ini bolehlah dinamakan Akta Pendaftaran Ahli Farmasi 1951. Tajuk ringkas dan pemakaian.

(2) Akta ini hendaklah terpakai bagi Negeri-Negeri Malaysia Barat sahaja.

2. Dalam Akta ini, melainkan jika konteksnya menghendaki makna yang lain— Tafsiran.

“ahli farmasi berdaftar” ertinya seseorang yang namanya sedang terdapat dalam Daftar yang disimpan di bawah Akta ini;

“bahan terapeutik” ertinya apa-apa bahan yang boleh ditetapkan oleh Lembaga sebagai suatu bahan terapeutik bagi maksud Akta ini:

Dengan syarat bahawa jika mana-mana undang-undang bertulis yang memperkatakan tentang bahan-bahan terapeutik sedang berkuatkuasa di Malaysia, maka tiada bahan boleh ditetapkan sedemikian melainkan jika ia adalah bahan terapeutik mengikut pengertian undang-undang bertulis sedemikian;

“dadah berbahaya” ertinya apa-apa dadah atau bahan yang pada masa ini termasuk dalam Jadual Pertama kepada Akta Dadah Berbahaya 1952 atau mana-mana jadual yang bersamaan dengan mana-mana undang-undang bertulis lain yang berhubungan dengan dadah berbahaya yang berkuatkuasa di Malaysia; Akta 234.

“Lembaga” ertinya Lembaga Farmasi yang ditubuhkan di bawah seksyen 3;

“orang” tidak termasuk pertubuhan perbadanan;

“racun” ertinya apa-apa benda yang disifatkan sebagai racun mengikut pengertian Akta Racun 1952, atau mana-mana undang-undang bertulis lain yang berhubungan dengan racun yang berkuatkuasa di Malaysia.

han
ng-
Lem-
rmasi.

3. (1) Maka hendaklah ditubuhkan suatu Lembaga Farmasi yang terdiri daripada anggota-anggota yang berikut:

- (a) Ketua Pengarah Kesihatan *ex officio*;
- (b) (Ditinggalkan).
- (c) seorang yang dicalonkan oleh Naib Canselor Universiti Malaya, dan dilantik oleh Menteri;
- (d) seorang ahli farmasi dalam perkhidmatan awam Malaysia yang hendaklah dilantik oleh Menteri;
- (e) (Ditinggalkan).
- (f) seorang wakil daripada Jabatan Kimia, yang dicalonkan oleh Ketua Pengarah Kimia dan dilantik oleh Menteri;
- (g) dua orang, yang tidak dalam perkhidmatan awam Malaysia, yang dicalonkan oleh Persatuan atau Persatuan-Persatuan yang mewakili ahli farmasi dalam amalan persendirian dan dilantik oleh Menteri.

5/97

(2) Tempoh perlantikan anggota-anggota, selain daripada anggota-anggota *ex officio*, hendaklah tiga tahun, tetapi anggota-anggota sedemikian adalah layak untuk dilantik semula.

(3) Walau apa pun subseksyen (2), Menteri boleh, pada bila-bila masa, menurut budi bicaranya, menggantungkan atau menamatkan perlantikan mana-mana anggota Lembaga, selain daripada anggota *ex*

officio, dan boleh melantik seorang lain sebagai gantinya atau sebagai ganti mana-mana anggota yang bersara atau yang, pada masa itu, tidak dapat bertindak atau yang tidak hadir tiga kali berturut-turut mesyuarat Lembaga tanpa apa-apa alasan yang difikirkan munasabah oleh Menteri:

Dengan syarat bahawa jika mana-mana anggota Lembaga telah dicalonkan mengikut mana-mana peruntukan subseksyen (1), Menteri tidaklah boleh melantik mana-mana orang sebagai gantinya selain daripada seseorang yang dicalonkan dengan wajar mengikut cara yang sama dengan anggota sedemikian.

(4) Segala tindakan yang dilakukan oleh Lembaga hendaklah, walaupun ada apa-apa kekosongan dalam Lembaga atau walaupun kemudiannya didapati bahawa ada kecacatan dalam perlantikan seseorang yang dikatakan anggota Lembaga, menjadi sah seolah-olah tiada kekosongan atau kecacatan sedemikian telah wujud.

(5) ...

Ins. AA1005/97

4. (1) Ketua Pengarah Kesihatan hendaklah menjadi Yang Dipertua Lembaga dan hendaklah menjadi Pengerusi bagi semua mesyuarat yang dihadapinya.

Yang
Dipertua dan
mesyuarat
Lembaga.

(2) Dalam masa ketakhadiran Yang Dipertua daripada apa-apa mesyuarat, anggota-anggota yang hadir hendaklah memilih seorang daripada bilangan mereka untuk menjadi Pengerusi.

(3) Pengerusi hendaklah mempunyai undi asal dalam apa-apa mesyuarat dan juga, jika di atas apa-apa soalan undi dibahagi sama banyak, undi pemutus.

(4) Lembaga hendaklah bermesyuarat di mana-mana tempat dan pada bila-bila masa sebagaimana yang ditetapkan oleh Yang Dipertua dan ^{sembilan} lima orang anggota hendaklah membentuk suatu kuorum dalam mana-mana mesyuarat.

Subs. AA1005/97

Daftar ahli farmasi.

5. Bagi maksud-maksud Akta ini, suatu daftar ahli farmasi (kemudian daripada ini disebut daftar) hendaklah disimpan, mengikut apa-apa bentuk sebagaimana yang ditetapkan, oleh Ketua Pengarah Kesihatan, (kemudian daripada ini disebut Pendaftar), yang hendaklah bertanggungjawab bagi penyenggaraan dan penjagaan daftar itu dan hendaklah melaksanakan apa-apa tugas berkaitan dengannya sebagaimana yang ditetapkan.

Orang-orang yang layak untuk didaftarkan.

6. (1) Tertakluk kepada peruntukan-peruntukan Akta ini, orang-orang yang berikut adalah berhak untuk didaftarkan di bawah Akta ini—

(a) (*Dimansuhkan*).

(b) mana-mana orang yang memegang Ijazah Farmasi daripada Universiti Sains Malaysia Pulau Pinang, dan yang telah mematuhi apa-apa syarat berkenaan dengan perantisan dan latihan sebagaimana yang ditetapkan;

(c) mana-mana orang yang pada mula berkuatkuasanya Akta ini didaftarkan sebagai seorang ahli farmasi di bawah Ordinan Pendaftaran Ahli Farmasi Negeri-Negeri Selat dalam pemakaiannya bagi Negeri-Negeri Selat dan bagi Tanah Jajahan.

N.N.S. Bab 68.

(2) (a) Lembaga boleh menurut budi bicaranya dari semasa ke semasa menerima masuk ke dalam daftar—

(i) mana-mana orang yang memegang apa-apa kelayakan farmaseutik lain yang disifatkan sesuai untuk pendaftaran oleh Menteri selepas berunding dengan Lembaga; atau

(ii) mana-mana orang yang, selama suatu tempoh lima tahun yang berterusan sebelum sahaja mula berkuatkuasanya Akta ini, telah menjalankan amalan sebagai seorang ahli farmasi dan memohon untuk didaftarkan di bawah Akta ini sebelum 31hb Disember 1954.

(b) Dalam subseksyen ini “menjalankan amalan sebagai seorang ahli farmasi” ertinya mana-mana orang yang telah—

- (i) menjalankan suatu perniagaan penyimpanan, peruncitan dan pendispensaan atau penyebatian racun atau bahan terapeutik; atau
- (ii) dilatih oleh seorang ahli farmasi yang berkelayakan dan telah bekerja dalam suatu makmal pengilangan bahan farmaseutik atau suatu jabatan farmaseutik sesuatu hospital.

(c) Mana-mana orang yang didaftarkan di bawah perenggan (a) (i) boleh dikenakan apa-apa had dan syarat sebagaimana yang dinyatakan oleh Menteri dan jika apa-apa had atau syarat dikenakan sedemikian, maka pendaftaran orang itu hendaklah berkuatkuasa tertakluk kepada had-had dan syarat-syarat sedemikian.

(d) Had-had dan syarat-syarat yang dinyatakan oleh Menteri di bawah perenggan terdahulu boleh termasuk had dan syarat yang membuat peruntukan mengenai pendaftaran terhad yang menurutnya pendaftaran seseorang di bawah perenggan (a) (i) hendaklah berkuatkuasa hanya selama apa-apa tempoh sebagaimana Menteri, selepas berunding dengan Lembaga, boleh putuskan.

(3) Tiada kelayakan boleh dicatatkan dalam daftar, sama ada semasa pendaftaran pertama atau melalui penambahan kepada suatu nama berdaftar, melainkan jika Pendaftar berpuas hati, menurut apa-apa keterangan sebagaimana yang didapatinya mencukupi, bahawa orang yang menuntut kelayakan sedemikian adalah berhak kepadanya.

(4) Tiada seorang pun boleh didaftarkan di bawah Akta ini melainkan jika dia telah mencapai umur dua puluh satu tahun.

Syarat-syarat terdahulu daripada pendaftaran.

6A. Lembaga boleh sebelum menerima masuk mana-mana orang ke dalam daftar di bawah seksyen 6 (2) (a) (i) menghendaki orang itu mematuhi syarat-syarat berkenaan dengan perantisan dan latihan dan lulus apa-apa peperiksaan sebagaimana yang ditetapkan atau ditentukan oleh Lembaga.

Had ke atas penggunaan gelaran tertentu.

7. (1) Tiada seorang pun, melainkan jika dia didaftarkan di bawah Akta ini, boleh mengambil atau menggunakan nama atau gelaran ahli kimia farmasi atau ahli farmaseutik atau ahli kimia dan peniaga ubat atau peniaga ubat atau ahli farmasi, atau mengambil atau menggunakan, berkaitan dengan penjualan barangan secara runcit, nama atau gelaran ahli kimia atau apa-apa nama, gelaran, tambahan atau perihalan lain yang membayangkan bahawa dia atau mana-mana orang yang digaji olehnya didaftarkan atau berhak didaftarkan di bawah Akta ini.

(2) Tiada seorang pun boleh mengambil atau menggunakan atau melekatkan kepada, atau menggunakan berkaitan dengan, premisnya, apa-apa gelaran atau perihalan yang direncanakan secara munasabah untuk mencadangkan bahawa dia atau mana-mana orang yang digajikan dalam perniagaan yang dijalankan di premisnya memiliki apa-apa kelayakan mengenai penjualan, pendispensaan atau penyebatan ubat atau racun selain daripada kelayakan-kelayakan yang dia sebenarnya miliki.

(3) Bagi maksud subseksyen (1), penggunaan perihalan "farmasi" atau "dispensari" berkaitan dengan perniagaan yang dijalankan di mana-mana premis hendaklah disifatkan sebagai berkaitan dengan penjualan barangan secara runcit dan sebagai membayangkan bahawa pemunya perniagaan itu atau

orang yang mempunyai kawalan ke atas perniagaan itu di premis tersebut adalah didaftarkan di bawah Akta ini:

Dengan syarat bahawa tiada apa-apa jua dalam seksyen ini boleh terpakai bagi penggunaan perkataan "dispensari" oleh seorang pengamal perubatan, yang didaftarkan pada masa itu di bawah mana-mana undang-undang bertulis yang berhubungan dengan pendaftaran pengamal-pengamal perubatan yang berkuatkuasa di Malaysia, atau oleh seorang doktor veterinar, berkaitan dengan amalan profesionnya dalam amalan atau perniagaan persendirian, atau dalam amalan atau perniagaan perkongsian yang tiap-tiap anggotanya adalah seorang pengamal perubatan berdaftar, atau bagi penggunaan perkataan "dispensari" berkaitan dengan dispensari-dispensari di bawah kawalan Kerajaan atau mana-mana pihak berkuasa tempatan.

(4) Mana-mana orang yang bertindak melanggar dengan seksyen ini adalah melakukan suatu kesalahan yang apabila disabitkan di hadapan Mahkamah Sesyen boleh dikenakan penalti tidak melebihi lima ratus ringgit, dan penalti tambahan sebanyak lima puluh ringgit bagi tiap-tiap hari dalam masa kesalahan itu berterusan.

8. (1) Mana-mana orang yang layak didaftarkan di bawah Akta ini boleh memohon kepada Pendaftar untuk pendaftaran. Tiap-tiap permohonan sedemikian hendaklah dibuat mengikut apa-apa cara dan hendaklah disertakan dengan apa-apa dokumen, fotograf dan butiran sebagaimana yang ditetapkan. Bukti pengenalan yang memuaskan hendaklah diberikan dalam setiap hal.

Permohonan
untuk
pendaftaran.

(2) Apabila orang sedemikian telah mematuhi kehendak-kehendak subseksyen (1) dan telah

membayar fee yang ditetapkan, dia hendaklah, tertakluk kepada seksyen 6 (2) (c) dan seksyen 9, diterima masuk oleh Lembaga ke dalam daftar.

Kuasa untuk menolak pendaftaran dalam hal-hal tertentu.

9. Jika mana-mana orang yang memohon untuk didaftarkan telah disabitkan atas apa-apa kesalahan yang pada pendapat Lembaga menyebabkannya tak layak terdaftar dalam daftar atau, selepas siasatan wajar oleh Lembaga, disifatkan olehnya sebagai telah melakukan kelakuan yang memalukan dalam apa-apa aspek profesional, Lembaga boleh menolak untuk menerima masuk orang sedemikian ke dalam daftar. Atas siasatan sedemikian, orang yang terhadapnya kelakuan sedemikian dikatakan adalah berhak untuk hadir secara sendirinya atau dengan atau melalui peguam dan untuk didengar secara sendirinya atau melalui peguam.

Catatan mengenai kelayakan yang lebih tinggi.

10. Tiap-tiap orang yang didaftarkan di bawah Akta ini yang telah mendapat apa-apa kelayakan yang lebih tinggi daripada kelayakan yang berkenaan dengannya dia telah didaftarkan adalah berhak untuk mendapatkan kelayakan yang lebih tinggi itu dimasukkan dalam daftar sebagai ganti bagi atau sebagai tambahan kepada kelayakan yang didaftarkan terdahulu, tanpa pembayaran apa-apa fee lanjut.

Pengeluaran perakuan-perakuan pendaftaran.

11. (1) Jika seseorang telah diterima masuk ke dalam daftar Lembaga hendaklah mengeluarkan kepadanya suatu perakuan pendaftaran dalam bentuk yang ditetapkan. Suatu fotograf orang sedemikian hendaklah dilekatkan pada perakuan itu.

(2) Jika seseorang diterima masuk ke dalam daftar tertakluk kepada apa-apa had dan syarat menurut seksyen 6 (2) (c), maka had-had dan syarat-syarat sedemikian hendaklah diendorskan pada perakuan pendaftarannya dan perakuan yang diendorskan sedemikian hendaklah berkuatkuasa tertakluk kepada had-had dan syarat-syarat yang dinyatakan di dalamnya.

12. (1) Seorang ahli farmasi berdaftar yang menjalankan perniagaan hendaklah, setakat yang perniagaan sedemikian berhubung dengan penyimpanan, peruncitan, pendispensaan, dan penyebatian racun, dadah berbahaya atau bahan terapeutik, mematuhi syarat-syarat yang berikut:

Syarat-syarat tentang penjualan dadah oleh ahli farmasi berdaftar.

- (a) di setiap satu premis di mana perniagaan itu dijalankan, perniagaan hendaklah dijalankan secara *bona fide* oleh ahli farmasi berdaftar itu sendiri atau oleh seorang ahli farmasi berdaftar yang lain;
- (b) nama dan perakuan pendaftaran orang yang menjalankan perniagaan itu di mana-mana premis hendaklah dipamerkan dengan terang dalam premis tersebut.

(2) Mana-mana orang yang gagal untuk mematuhi mana-mana syarat sedemikian adalah melakukan suatu kesalahan dan apabila disabitkan di hadapan Mahkamah Sesyen boleh dikenakan penalti tidak melebihi lima ratus ringgit dan penalti tambahan sebanyak lima puluh ringgit bagi tiap-tiap hari dalam masa yang kesalahan itu berterusan.

13. (1) Bagi maksud-maksud Akta ini, Pendaftar hendaklah mencatatkan dalam daftar mengikut apa-apa bentuk dan cara sebagaimana yang ditetapkan, nama tiap-tiap pertubuhan perbadanan yang menjalankan perniagaan penyimpanan, peruncitan, pendispensaan dan penyebatian racun, dadah berbahaya atau bahan terapeutik dalam Malaysia dan yang berhak untuk didaftarkan di bawah seksyen ini.

Pendaftaran pertubuhan-perbadanan.

(2) Tiada pertubuhan perbadanan sedemikian boleh didaftarkan di bawah Akta ini melainkan jika Lembaga berpuas hati bahawa perniagaan sedemikian akan berada di bawah kawalan dan pengurusan seorang penguasa yang adalah seorang ahli farmasi berdaftar dan yang tidak bertindak pada masa itu atas suatu sifat seumpamanya bagi mana-mana pertubuhan perbadanan, firma atau perkongsian lain atau dalam apa-apa perniagaan lain bagi pihak dirinya sendiri.

(3) Di atas pendaftaran suatu pertubuhan perbadanan di bawah seksyen ini, suatu perakuan pendaftaran mengikut bentuk yang ditetapkan dan sekian bilangan salinannya sebagaimana yang dikehendaki hendaklah dikeluarkan kepadanya oleh Lembaga.

(4) Tertakluk kepada seksyen ini, suatu pertubuhan perbadanan yang didaftarkan di bawah seksyen ini yang menjalankan suatu perniagaan, setakat yang ia berhubungan dengan penyimpanan, peruncitan, pendispensaan dan penyebatian racun, dadah berbahaya atau bahan terapeutik, hendaklah mematuhi syarat-syarat yang berikut:

- (a) perniagaan pertubuhan perbadanan itu hendaklah di bawah kawalan dan pengurusan seorang penguasa yang adalah seorang ahli farmasi berdaftar dan yang tidak bertindak pada masa itu atas suatu sifat seumpamanya bagi mana-mana pertubuhan perbadanan, firma atau perkongsian lain atau dalam apa-apa perniagaan lain bagi pihak dirinya sendiri;
- (b) di setiap satu premis di mana perniagaan itu dijalankan, ia hendaklah, jika tidak dengan sendirinya dijalankan oleh penguasa itu, dijalankan secara *bona fide* di bawah arahan penguasa itu oleh seorang pengurus atau penolong yang adalah seorang ahli farmasi berdaftar;
- (c) jika perniagaan itu dijalankan dengan sendirinya di mana-mana premis oleh penguasa itu, perakuan pendaftarannya hendaklah dipamerkan dengan terang dalam premis tersebut, dan, jika perniagaan itu dijalankan di mana-mana premis oleh seorang pengurus atau penolong, perakuan pendaftarannya hendaklah dipamerkan dengan terang dalam premis-premis tersebut;
- (d) perakuan atau salinan perakuan pendaftaran pertubuhan perbadanan itu di bawah seksyen ini hendaklah dipamerkan dengan terang

dalam setiap satu premis di mana perniagaan itu dijalankan.

(5) Suatu pertubuhan perbadanan yang didaftarkan di bawah seksyen ini boleh, jika dan hanya selagi ia mematuhi kehendak-kehendak subseksyen (4), menggunakan nama atau gelaran ahli kimia dan peniaga ubat atau ahli kimia pendispensa atau peniaga ubat pendispensa, dan premis di mana perniagaan itu dijalankan boleh diperihalkan sebagai suatu farmasi.

(6) Tiada pertubuhan perbadanan, melainkan jika ia didaftarkan di bawah seksyen ini dan mematuhi kehendak-kehendak subseksyen (4), boleh menggunakan nama atau gelaran ahli kimia dan peniaga ubat atau ahli kimia pendispensa atau peniaga ubat pendispensa atau memperihalkan premis di mana ia menjalankan perniagaan sebagai suatu farmasi dan tiada pertubuhan perbadanan, sama ada didaftarkan atau tidak, boleh; tertakluk kepada subseksyen (5), menggunakan apa-apa nama, gelaran, tambahan atau perihalan yang ia dilarang daripada menggunakannya oleh seksyen 7 sekiranya ia adalah seseorang mengikut pengertian seksyen sedemikian.

(7) Jika—

(a) suatu pertubuhan perbadanan yang menjalankan perniagaan yang terdiri daripada penjualan runcit racun, dadah berbahaya atau bahan terapeutik telah disabitkan atas suatu kesalahan di bawah Akta ini atau di bawah mana-mana undang-undang bertulis yang berkuatkuasa di Malaysia berhubungan dengan racun, dadah berbahaya atau bahan terapeutik; atau

(b) mana-mana pengarah atau pegawai atau orang lain yang digajikan oleh mana-mana badan sedemikian—

(i) telah disabitkan atas suatu kesalahan di bawah Akta ini atau undang-undang bertulis yang disebut terdahulu;

(ii) telah disabitkan atas apa-apa kesalahan jenayah lain yang, pada pendapat Lembaga, menjadikannya, atau akan menjadikannya, jika dia seorang ahli farmasi berdaftar, ~~tak layak berada dalam daftar~~; atau

Subs. AM1005/97

(iii) telah melakukan apa-apa salah laku yang, pada pendapat Lembaga, menjadikannya, atau akan menjadikannya, jika dia seorang ahli farmasi berdaftar, ~~tak layak berada dalam daftar~~,

Lembaga boleh menyiasat hal itu dan boleh, melainkan jika pertubuhan perbadanan itu memuaskan hati Lembaga bahawa perbuatan atau peninggalan yang berkenaan bukanlah dibiarkan atau dihasutkan oleh penguasa mereka atau oleh mana-mana pengarah atau pengurus mereka, dan bahawa orang yang melakukannya tidak lagi berada dalam pengajian mereka, menolak untuk mendaftarkan pertubuhan perbadanan itu atau, dalam hal suatu pertubuhan perbadanan yang telahpun didaftarkan, ~~boleh mengeluarkan pertubuhan perbadanan sedemikian daripada daftar dan sesudah itu pertubuhan perbadanan sedemikian hendaklah terhenti daripada mempunyai hak untuk menggunakan apa-apa gelaran atau perihalan yang berhak digunakan oleh sesuatu pertubuhan perbadanan yang berdaftar di bawah seksyen ini.~~

Subs. AM1005/97

(8) Lembaga boleh mengeluarkan nama mana-mana pertubuhan perbadanan daripada daftar apabila—

- (a) pendaftaran perbadanan sedemikian telah didapatkan melalui pernyataan fraud dan tak betul; atau
- (b) pertubuhan perbadanan sedemikian telah berhenti menjalankan perniagaan yang tersebut dalam subseksyen (1).

(9) Mana-mana pertubuhan perbadanan, yang bertindak melanggar dengan subseksyen (6) atau, jika didaftarkan di bawah seksyen ini, yang gagal mematuhi syarat-syarat yang dikenakan oleh subseksyen (4) seksyen ini, adalah melakukan suatu kesalahan dan apabila disabitkan di hadapan Mahkamah Sesyen boleh dikenakan penalti tidak melebihi dua ribu ringgit dan penalti tambahan tidak melebihi lima puluh ringgit bagi tiap-tiap hari dalam masa kesalahan sedemikian berterusan dan tiap-tiap orang yang adalah pengarah atau pegawai pertubuhan perbadanan sedemikian atau yang berupa sebagai bertindak atas apa-apa sifat sedemikian pada tarikh perlakuan kesalahan hendaklah disifatkan telah melakukan kesalahan itu melainkan jika dia membuktikan bahawa kesalahan itu dilakukan tanpa pengetahuannya dan bahawa dia telah menjalankan segala usaha wajar untuk mencegah perlakuan kesalahan itu dan apabila disabitkan di hadapan Mahkamah Sesyen boleh dikenakan penalti tidak melebihi dua ratus ringgit dan penalti tambahan tidak melebihi dua puluh lima ringgit bagi tiap-tiap hari dalam masa kesalahan sedemikian diteruskan olehnya.

(10) Jika difikirkan patut oleh Lembaga dalam apa-apa hal untuk berbuat demikian, ia boleh, sama ada atas usulnya sendiri atau atas permohonan pertubuhan perbadanan berkenaan, mengarahkan pemasukan semula nama mana-mana pertubuhan perbadanan ke dalam daftar dan apa-apa kehilangan kelayakan yang dikenakan oleh subseksyen (7) hendaklah dengan itu terhenti.

cl/AA1005/97

14. (1) Tertakluk kepada seksyen ini, jika seseorang ahli farmasi berdaftar mati ketika menjalankan perniagaan yang terdiri daripada penjualan runcit racun, dadah berbahaya atau bahan terapeutik, mana-mana wasi, pentadbir atau pemegang amanah harta pusakanya yang menjalankan perniagaan itu selepas kematiannya mengikut syarat-syarat yang disebut kemudian daripada ini hendaklah berhak menggunakan

Penerusan perniagaan ahli farmasi atau pen-dispensa yang telah mati oleh wakilnya.

berkaitan dengan perniagaan itu apa-apa gelaran dan perihalan sebagaimana yang mungkin digunakan oleh ahli farmasi berdaftar yang mati itu.

(2) Syarat-syarat yang tersebut dalam subseksyen (1) adalah yang berikut:

- (a) di setiap satu premis di mana perniagaan itu dijalankan, perniagaan mestilah dijalankan secara *bona fide* oleh seorang ahli farmasi berdaftar;
- (b) nama dan perakuan pendaftaran orang yang menjalankan perniagaan itu di mana-mana premis hendaklah dipamerkan dengan terang dalam premis tersebut.

(3) Jika mana-mana wasi, pentadbir atau pemegang amanah sedemikian atau mana-mana orang dalam penggajiannya—

- (a) telah disabitkan atas suatu kesalahan di bawah Akta ini atau di bawah mana-mana undang-undang bertulis yang sedang berkuatkuasa di Malaysia berhubungan dengan bahan terapeutik, atau dadah berbahaya atau racun; atau
- (b) telah disabitkan atas apa-apa kesalahan jenayah lain, atau telah melakukan apa-apa salah laku, yang, pada pendapat Lembaga, menjadikannya, atau akan jika dia seorang ahli farmasi berdaftar menjadikannya, ~~tidak layak berada dalam daftar,~~

Subs. 111005/97

Lembaga boleh menyiasat hal itu dan boleh, melainkan jika dalam hal sesuatu perbuatan atau peninggalan oleh seseorang dalam penggajiannya, wasi, pentadbir atau pemegang amanah itu memuaskan hati Lembaga bahawa perbuatan atau peninggalan yang berkenaan bukanlah dibiarkan atau dihasutkan olehnya, mengarahkan bahawa dia hendaklah terhenti daripada mempunyai hak untuk menggunakan apa-apa gelaran atau perihalan yang mungkin telah digunakan oleh ahli farmasi yang mati itu.

15. (1) Pendaftar hendaklah menyiarkan dalam *Warta* secara tahunan, dengan seberapa segera yang praktik selepas hari pertama bulan Januari setiap tahun, suatu senarai yang mengandungi nama, alamat, kelayakan dari tarikh kelayakan semua ahli farmasi berdaftar dan semua pertubuhan perbadanan yang didaftarkan di bawah seksyen 13. Pendaftar hendaklah juga menyiarkan dalam *Warta* apa-apa pertukaran yang boleh dibuat dalam daftar dari semasa ke semasa.

Penyiaran daftar dan anggapan-anggapan.

(2) Penyiaran senarai sedemikian hendaklah menjadi keterangan *prima facie* bahawa orang atau pertubuhan perbadanan yang dinamakan di dalamnya adalah didaftarkan di bawah Akta ini.

(3) Ketiadaan nama mana-mana orang atau pertubuhan perbadanan daripada senarai sedemikian hendaklah menjadi keterangan *prima facie* bahawa orang atau pertubuhan perbadanan itu tidak didaftarkan di bawah Akta ini.

(4) Suatu perakuan di bawah tandatangan Pendaftar bahawa nama seseorang telah dicatatkan dalam atau dikeluarkan daripada daftar hendaklah menjadi keterangan konklusif bahawa seseorang itu adalah atau tidaklah didaftarkan di bawah Akta ini, mengikut mana-mana yang berkenaan.

16. (1) Tiap-tiap ahli farmasi atau pertubuhan perbadanan berdaftar yang berhasrat supaya namanya dikekalkan dalam daftar hendaklah, sebelum akhir tiap-tiap tahun membuat permohonan mengikut cara yang ditetapkan, dan hendaklah membayar fee yang ditetapkan, bagi pengekalan namanya dalam daftar dalam masa tahun yang berikutnya.

Perakuan tahunan.

(2) Atas permohonan dan pembayaran sedemikian, pemohon hendaklah, tertakluk kepada Akta ini, menjadi berhak kepada suatu perakuan (kemudian daripada ini disebut "perakuan tahunan") bahawa dia atau ia didaftarkan di bawah Akta ini.

(3) Perakuan tahunan hendaklah dikeluarkan oleh Pendaftar dan hendaklah, melainkan jika dikenselkan di bawah seksyen 17, berkuatkuasa dari tarikh pengeluarannya sehingga akhir tahun itu.

(4) Nama mana-mana ahli farmasi atau pertubuhan perbadanan berdaftar yang gagal untuk mendapatkan suatu perakuan tahunan sebelum bermulanya mana-mana tahun hendaklah dikeluarkan daripada daftar.

(5) Mana-mana ahli farmasi atau pertubuhan perbadanan berdaftar yang telah gagal mendapatkan suatu perakuan tahunan sebelum bermulanya mana-mana tahun, tetapi yang kemudiannya membuat permohonan mengikut apa-apa cara dan membayar apa-apa fee tambahan sebagaimana yang ditetapkan, boleh diberi suatu perakuan tahunan bagi baki tahun itu, dan namanya bolehlah dicatatkan semula dalam daftar.

Pengkenselkan
perakuan
tahunan dan
pengeluaran
daripada
daftar.

Subs.
AA 1005/97

17. (1) Lembaga boleh mengkenselkan suatu perakuan tahunan dan memerintahkan pengeluaran nama mana-mana ahli farmasi berdaftar daripada daftar jika sampai kepada pengetahuan Lembaga bahawa orang sedemikian—

- (a) telah mendapatkan pendaftaran melalui suatu pernyataan fraud atau tak betul; atau
- (b) telah disabitkan atas apa-apa kesalahan yang, pada pendapat Lembaga, menjadikannya tak layak berada dalam daftar atau telah disabitkan atas apa-apa kesalahan di bawah Akta ini atau di bawah mana-mana undang-undang bertulis yang berkuatkuasa di Malaysia berhubungan dengan racun, dadah berbahaya atau bahan terapeutik; atau
- (c) telah bersalah kerana kelakuan yang memalukan atau keji dalam suatu aspek profesional; atau
- (d) telah mati; atau
- (e) telah meninggalkan dengan tetap Malaysia; atau

(f) adalah tak sempurna akal atau oleh sebab sesuatu kelemahan lain, pada pendapat Lembaga, tak berupaya menjalankan amalan sebagai seorang ahli farmasi. Subs. AA1005/97

(1A) ...

Ins. AA1005/97

(2) Jika difikirkan patut oleh Lembaga dalam apa-apa hal untuk berbuat demikian, ia boleh, sama ada atas usulnya sendiri atau atas permohonan orang berkenaan, mengarahkan pemasukan semula ke dalam daftar apa-apa nama yang telah dikeluarkan daripada daftar.

(3) Jika seseorang didaftarkan menurut seksyen 6 (2) (a) (i) dan pendaftarannya tertakluk kepada apa-apa had dan syarat yang dikenakan oleh Menteri menurut perenggan (c) seksyen yang disebut terdahulu itu, nama ahli farmasi berdaftar sedemikian boleh juga dikeluarkan daripada daftar oleh Lembaga—

(a) jika ahli farmasi berdaftar sedemikian melakukan suatu pelanggaran mana-mana had dan syarat yang di bawahnya dia didaftarkan; atau

(b) jika had dan syarat yang dikenakan demikian adalah berhubungan dengan pendaftaran terhadap bagi ahli farmasi berdaftar sedemikian sebagaimana yang diperihalkan dalam seksyen 6 (2) (d) dan tempoh dalam masa pendaftaran terhadap itu hendak berkuatkuasa telah tamat.

(4) Jika nama seseorang ahli farmasi berdaftar telah dikeluarkan oleh Lembaga di bawah subseksyen terdahulu, maka perakuan tahunannya hendaklah terhenti berkuatkuasa.

18. Pendaftar hendaklah dari semasa ke semasa memasukkan dalam daftar apa-apa perubahan pada nama atau alamat mana-mana ahli farmasi berdaftar, atau pertubuhan perbadanan yang mungkin sampai kepada pengetahuannya dan hendaklah memadamkan daripada daftar nama semua ahli farmasi atau

Pengubahan dalam, dan pemadaman nama daripada daftar.

pertubuhan perbadanan berdaftar sedemikian sebagaimana yang diperintahkan oleh Lembaga supaya dikeluarkan daripadanya:

Dengan syarat bahawa apa-apa nama yang dikeluarkan sedemikian boleh pada bila-bila masa dimasukkan semula ke dalam daftar atas arahan Lembaga.

“(1A) Lem
eseorang ahl
ika ahli farm

97 18A. ...
19. Mana-mana orang atau pertubuhan perbadanan yang terkilan dengan ~~pengeluaran namanya daripada daftar~~, atau dengan apa-apa penolakan atau kegagalan untuk mencatatkan namanya dalam daftar, atau dengan apa-apa penolakan untuk mengeluarkan kepadanya sesuatu perakuan tahunan, atau oleh apa-apa pengkenselan perakuan tahunannya, boleh merayu kepada Menteri yang keputusannya adalah muktamad.

20. Mana-mana orang yang dengan cara fraud menyebabkan atau cuba menyebabkan dirinya sendiri atau mana-mana orang atau pertubuhan perbadanan lain didaftarkan di bawah Akta ini hendaklah, apabila disabitkan di hadapan Mahkamah Sesyen, dipenjarakan selama suatu tempoh tidak melebihi satu tahun atau didenda tidak melebihi lima ratus ringgit atau dikenakan kedua-duanya.

21. (1) Menteri boleh melantik sekian bilangan orang untuk menjadi Pemeriksa sebagaimana yang didapatinya perlu bagi maksud-maksud Akta ini.

(2) Apabila seseorang Pemeriksa mempunyai sebab munasabah untuk mempercayai bahawa mana-mana kesalahan di bawah Akta ini telah atau sedang dilakukan di mana-mana premis atau berkaitan dengan apa-apa perniagaan yang dijalankan di mana-mana premis, dia boleh, pada setiap masa yang munasabah, memasuki premis sedemikian dan boleh menggeledah dan memeriksa premis sedemikian dan boleh memeriksa, mengalih dan menahan apa-apa buku, dokumen atau artikel lain yang dijumpai di dalamnya yang pada pendapat Pemeriksa itu boleh memberi keterangan mengenai perlakuan sesuatu kesalahan

terhadap Akta ini dan boleh menghendaki mana-mana orang yang menjalankan atau menguruskan apa-apa perniagaan penyimpanan, peruncitan, pendispensaan atau penyebatian racun, dadah berbahaya atau bahan terapeutik untuk mengemukakan bagi pemeriksaannya apa-apa perakuan yang dikeluarkan kepada orang sedemikian atau kepada majikannya di bawah Akta ini.

(3) Mana-mana orang yang menggalang atau menghalang seseorang Pemeriksa dalam pelaksanaan tugas-tugasnya di bawah Akta ini boleh dipenjarakan selama tempoh tidak melebihi enam bulan atau didenda tidak melebihi lima ratus ringgit atau dikenakan kedua-duanya.

22. (1) Lembaga boleh membuat peraturan-peraturan bagi dan berkenaan dengan segala atau mana-mana perkara yang berikut:

Kuasa
untuk mem-
buat per-
aturan.

- (a) pelatihan, syarat-syarat yang di bawahnya latihan praktik bagi perantis-perantis atau pelajar-pelajar hendak dijalankan dan apa-apa perkara lain yang berhubungan dengan latihan dan kelayakan ahli farmasi;
- (aa) peperiksaan yang ditetapkan atau ditentukan oleh Lembaga yang kena dilulusi oleh mana-mana orang sebelum dia layak memohon supaya diterima masuk ke dalam daftar di bawah Akta ini;
- (b) prosedur yang perlu diikuti di mesyuarat-mesyuarat, dan di siasatan-siasatan yang diadakan oleh, Lembaga;
- (c) tugas-tugas Pendaftar;
- (d) bentuk daftar-daftar dan cara yang ia hendaklah disimpan;
- (e) apa-apa perkara yang di bawah Akta ini, dikehendaki atau dibenarkan untuk ditetapkan;
- (f) pendaftaran pertubuhan-pertubuhan perbadanan;

Ins. AA 1005/97

- (g) pengecualian daripada penguatkuasaan Akta ini atau mana-mana peraturan yang dibuat di bawahnya, mengenai mana-mana orang atau pertubuhan perbadanan atau kelas orang atau pertubuhan perbadanan sebagaimana yang disifatkan suaimanfaat;
- (h) perlantikan dan pembayaran penasihat-penasihat undang-undang;
- (i) pembayaran perbelanjaan anggota-anggota Lembaga;
- (j) apa-apa perkara, sama ada serupa atau tidak dengan apa yang tersebut di atas, yang mengenainya adalah suaimanfaat untuk dibuat peraturan-peraturan bagi melaksanakan tujuan-tujuan Akta ini.

(2) Segala peraturan yang dibuat oleh Lembaga di bawah seksyen ini hendaklah tertakluk kepada kelulusan Menteri dan apabila diluluskan sedemikian hendaklah disiarkan dalam *Warta* dan hendaklah, melainkan jika diperuntukkan selainnya di dalamnya, berkuatkuasa mulai dari tarikh penyiaran sedemikian.

23. (*Ditinggalkan*).

UNDANG-UNDANG MALAYSIA

Akta 371

AKTA PENDAFTARAN AHLI FARMASI 1951

(Disemak—1989)

*Butir-butir di bawah seksyen 7 (ii) dan (iii) Akta
Penyemakan Undang-Undang 1968 (Akta 1)*

SENARAI PINDAAN

Undang-undang yang meminda	Tajuk ringkas	Berkuatkuasa dari
Ord. 21/1954 ...	Ordinan Pendaftaran Ahli Farmasi (Pindaan), 1954	1-2-1952
Ord. 41/1955 ...	Ordinan Pendaftaran Ahli Farmasi (Pindaan), 1955	4-7-1955
P.U. 332/1958 ...	Perintah Perlembagaan Persekutuan (Ubahsuaian Undang-Undang) (Ordinan dan Proklamasi), 1958	13-11-1958
Akta A114 ...	Akta Pendaftaran Ahli Farmasi (Pindaan) 1972	4-4-1972
Akta A301 ...	Akta Pendaftaran Ahli Farmasi (Pindaan) 1975	30-5-1975

SENARAI UNDANG-UNDANG ATAU BAHAGIANNYA
YANG DIGANTI

No.	Tajuk
62 tahun 1951 ...	Ordinan Pendaftaran Ahli Farmasi, 1951